

天專大慈之化下副小臣懇禱之誠謹啓以聞

發願

存神燒香

香官使者左右龍虎君侍者諸靈官當令

晚朝建齋之所自然生金液丹碧芝英百靈

衆真交會在此香火爐前令學道得道求

仙得仙齊官蒙福幽顯霑恩十方仙童玉女

侍衛蘭煙傳向來所啓之吉速達徑仰

太上元極大道至真玉皇上帝御前

出堂頌

引至暮

謝師

靈寶領教濟度金書卷之二百二十四

靈寶領教濟度金書卷之二百二十五

洞微高士同光啟者真人家金其授

靈寶通玄秘教水南先生林靈真編

科儀立成品律度

除尸累服金液神符儀

步虛 洒淨

具位士謹同誠上啓

靈寶仙曹落滅上尸道靈官落滅中尸道靈

官落滅下尸道靈官飛度色累尸靈官飛度

靈官飛度身累尸靈官飛度苦累尸

真元而湛寂六情垢翳逐妄景以奔馳惟躬

行失入於邪宗遂踐履返迷於正道三彭奮

迅號三惡之流火五賊搶據標五苦之淪溺

既欲歸真而知命可無證性以回靈是以上

聖金科太真玉訣設靈虛之官屬建內禁之

仙曹落滅尸魔降三天之正炁飛度累尸還

五體之靈光俾復良心為開正性神功奕奕

妙用魏龜今有弟子某生際昌時身逢道運

期領班職於紫府庸傳經教於黃坡深慮瀆

浪營心塵龍混識是非顛倒身口意之業障

未澄名利紛紜貪嗔癡之惡根莫滌內或虧

於純粹外或障於正真既戕德基莫圖道果

今為依按典式召役官僚宣秘訣以斷除三

尸響靈音而消除五累百關調正六府虛澄

然後金液煉形玉符保命省躬佩受即消五

濁塵劫之災切已修持自享九清逍遙之樂

仰惟大道俯賜證明

十方靈寶天尊

念金真章

天魔乘空發 萬神駭神庭 託化謠歌章

隨變入死名 驚塵何紛紜 穢道當塗生

雲合結朱空 壯帝湧神兵 鼓極自知道

玄運來相征 上景御飛轡 迅駕檢雲營

促放北帝錄 收執群魔明 豁落張天羅

放威擲流鈴 金真護空洞 玉光煥八冥

金符守上宮 神精戮天精 剪滅萬妖蒸

億億龜齊齡 上承九天信 嘯命靡不傾

招真究三洞 惠誦朗日清 八道望玄霞

七轉緯天經 洞合帝一真 拔度七租程

削落五苦根 反魂蒙受榮 金光耀寢室
神燭自然生 香花散玉宇 烟氣徹玉京
帝遣徘徊羣 三元降綠鞵 迅駕騰九玄
朝我玉皇庭
謹請落滅上尸道靈官為嗣法弟子其落滅
色根惡道學道修真伏願遂成

度符 下同

上尸情慾自號彭瑤變化九種 烏頭蛇軀
混沌無心或沉或浮貪慾滋味華色自居
走作魂魄司人過尤斷人命根氣散神游
放蕩三官 七虫無劬真人王甲 書氣靈符
色慾已斷 死路已除 元始有命 請斬尸頭
三台監形 速出無由 滅根絕種 勿使遺餘
今日煉真 三宮清虛 五帝臨映 太乙定書
吉日沐浴 冠戴行時 飛度无界 流景玉與
逐景上清 乘空遨遊 急急如上帝律令
十方靈寶天尊
謹請落滅中尸道靈官為嗣法弟子其落滅
受根惡道學道修真伏願遂成
度符

中尸彭質號曰中黃愛慾自居 倚腹逃藏
沉浮變化 形無常方 執人魂魄 走作三宮
赤子馳騁 使人發狂 慾性與神 罪由小蟲
真人王甲 上帝已擬 身佩玉符 玉文金章
列名玄圃 三慾已亡 元始符命 斬滅尸形

斷根絕種 勿得飛揚 今日受鍊 五府清涼
真仙安鎮 藏內生光 五帝監映 太玄列行
中元沐浴 冠帶束裳 解形變景 流景玉光
飛升上清 食息太空 長保自然 天地无窮
急急如上帝律令

十方靈寶天尊

謹請落滅下尸道靈官為嗣法弟子其落滅
貪根惡道學道修真伏願遂成
度符

下尸彭矯貪慾自榮 動色混沌 體無常形
依人兩足 悅動人情 言我得失 走作魂靈
三宮擾亂 赤子不寧 貪慾小虫 假備幽冥
真人王甲 三煉已清 慾門閉塞 不受邪精
元始急令 三台臨度 速出无隱 及汝弟兄
九種子孫 一時斬形 五帝度真 太乙紀名

下元沐浴 冠帶羽清 玄度三界 上飲元精
解形緣變 流景玉清 飛玄步虛 三景齊明
急急如上帝律令

十方靈寶天尊

三尸既已落滅 五累今當飛度 謹請飛度色
累尸靈官為嗣法弟子其解除色累苦心門
學道修真伏願遂成
度符

解形速變 落尸五苦 三慾已清 神津內灌
脫故煉新 體香无闌 玉符滅跡 地無拘繫
飛度天界 超凌雲端 魔王保真 悉合自然
七祖同升 飛步天門 五帝監映 萬神咸聞
急急如上帝律令

十方靈寶天尊

謹請飛度愛累尸靈官為嗣法弟子其解除
愛累苦神門學道修真伏願遂成
度符

雲行飛步 速變玉光 解形脫跡 散髮翔翔
人界无拘 乘虛空行 天魔已除 五道開通
超度風刀 形升上宮 急急如上帝律令

十方靈寶天尊

謹請飛度華競尸靈官為嗣法弟子并解除
華競苦精門學道修真伏願遂成

度符

落尸解罪即超鑊湯剪除華競滅落禁聲
神真內煉魔王保名洞達無碍與道同情
道還自然昇晏紫庭急急如上帝律令

十方靈寶天尊

謹請飛度會累尸靈官為嗣法弟子并解除
會累苦形門學道修真伏願遂成

度符

解形神變割截貪癡超出銅柱超度愛津
今日受度苦爽咸遷七祖解脫九玄生天
會累永脫神飛上仙急急如上帝律令

十方靈寶天尊

謹請飛度身累尸靈官為嗣法弟子并解除
身累苦魂門學道修真伏願遂成

度符

玉符解罪疾離滄波蕩除罪障割切愛根
幽司罷對寒鄉停刑不經苦惱身得長生

快樂無為逍遙太空急急如上帝律令

十方靈寶天尊

絕地根而消陰累可奉希夷保天常而駕陽
靈允臻玄妙載惟學道所貴知真形神惟煉
於陰陽山林可消於魔癘仰惟教主曾演靈
章謹如律以宣揚庶依科而傳度

十方靈寶天尊

太上曰赤子治道先須煉形神俱備方得
自然

度金液煉形千符

金液煉形與道合真開明三界是為天根
元為無極元始無終元皇九醜靈魔絳宮
紫微飛天身乘六龍水上火下流入三宮
神歸陽明大道自通

度金液煉形千符

太液煉形金馬驛程上下水火森羅淨露
元龍開漢幽寂度人受煉先窮為道至真
三宮升降五炁合符太上符命六丁潛形
紫羅鬱秀行符玉京
太上曰欲慕上道先須煉形煉形既備亦須

煉神形神既煉道性必通

度金液煉神千符

太上煉神九步八坤行罡七轉內外合成
三台子午絳宮受真符煉萬虛赤火降心
辟除惡毒往來俱榮北都曲府離合上清
大洞自然風火無停

度金液煉神千符

坤順內榮甲乙潛形三魂受煉七魄玄冥
五炁中理斷滅惡靈九宮康配列言上清
太乙含光剪伐魔精天圓四正地方神寧
受煉神魂往來玉京五嶽鎮伏萬毒自傾
太上曰欲慕仙道與天齊年世世輪轉无失
仙宗先須變煉形神養生保命使形神皆正
出離五行避諸惡毒物無害形身得自然乃
通天道

度金液養生保命千符

天圓地方六律九章養生保命賜我延康
北辰回指受炁三光補津煉神受臣天罡
益真正一天皇上王符命升遷大明和強
天帝玉真赤童和陽我道自然孚澤洞常

度金液養生保命午符

上帝玉清紫微黃庭三官昇降受我遐齡
金關玉符剪魔伐精九元離合七政驅兵
水火木土金方四靈非帝延年保命生根
五帝大魔大帥行刑內外既濟元亨利貞
太上曰受道既畢剪精伏邪滅怪除殃祛逐
神靈威在雷霆煉身五炁化成五雷起在於
心用而自裁

度金液氣雷伏魔子符

天玄蒼蒼地黃平平雷公辟邪電母應天
天丁力士驅龍在前風伯雨師領兵三千
摧山破獄六丁秉權統攝魔鬼擲火成煙
四目老翁大帥仗幢威猛我神道炁自延
度金液氣雷伏魔午符

風火水土流金火鈴震魔斬鬼餓伐魔精
是鬼喪膽無輒容情雷公霹靂食鬼吏兵
三千使者七千天兵刀斬斧劈雷電摧傾
群妖束首鬼精自驚神罡自揮天帝靈靈
太上曰赤子煉形修真慕道居山石室多有
魔精鬼怪靈魅好人短命不願長生多生變

現嫉妬魔障當須伏魔治導辟如靈怪責得
養生自然成真功行未滿更能齋心滌意濟
世除邪剪妖伐惡救護群品

度金液伏魔治導子符

佐符天乙治道元君太白真卿六甲吏兵
吞魔喪魄攝縛縛精擲火神王南神上賓
紫微靈官食鬼吞精三官總攝魔崇潛形
安我五臟使我長生上帝玉符煉形甲庚

度金液伏魔治導午符

治道神章炳煉魁罡七政八靈萬神延康
三台輔佐大道吉昌力士天丁戮兵先疆
流金火鈴五帝魔王北辰衛我天救皇皇
金液神符三官濟房流霞赫耀護我穹蒼
太上曰赤子受煉欲慕修真當須總攝領兵
煉神造化使心神為網紀脾神為佐使肺神
為將吏肝神為主薄腎神為副尉目神為軍
旗百神為軍信齒神為金鼓舌神為將軍令
八萬炁神為天兵一呼一吸為出入一喜一
怒為殺戮鍊之總攝即神兵自然舉動用事
則天兵隨炁出入此乃自然神兵也有形有

影有動有靜有殺有殺不能修煉總攝領兵
即神炁不剛神炁不剛即不能治道是故天
真自然煉形變形造化樞機皆出天真自然
真一之理雖有嶽瀆天兵豈靈於人神炁也
人能造化萬物有喜怒哀殺戮變化遷移分
野動靜謂不受煉故不長生男女交媾分之
成人有男有女有父有子非金液之煉不能
成也

度金液攝領兵神章子符

五臟元君總攝大神受煉我體制我神魔
心肝脾肺腎目耳靈齒擊鐘鼓信雷發聲
虛虛玄玄尊尊靈靈煞尸煞鬼為將為軍
太上玉符洞歌自真出入自然乘飛五雲
度金液攝領兵神章午符

天帝玉真三皇上君太乙司命桃園合延
吐毒猛獸擲火天丁領兵大將破鬼滅形
五臟神人各喜安寧鄧都曲府明檢鬼營
大敷魔王統領吏兵三天將軍吐噴火雲
太上曰養生治導安極其身雖悟天機不能
祛患修真學道惟在安然未離飲食寒暑能

元疾厄天地運度日月失昏尚有否泰未寧
之夫豈无禍患若有四大不調如何拯降

度金液截病延生符

大元黃老九死真君三台佐護佐臣身形

北極紫微受煉臣身七元覆戴何鬼敢存

祛病除邪萬神自安五斗神君調理三官

元始符命時刻升遷金符度命丈人韓君

度金液截病延生符

太上玄靈至真妙真洞元太无紫微道君

剪邪破穢凶惡潛形何災不滅何福不生

上有北辰下有元君五行隨順道氣自存

往來降升帝君護魂天地日月身騰紫雲

太上曰赤子避世欲隱名山或居名山或居

林野或居石室未能免其禍患五行刑剋盜

賊水火虎狼猛獸兵甲刀刃百惡所傷當須

煉液之使五行不侵離於兵革若能受煉即

火不能燒水不能溺刀劍不能傷毒藥不能

害百惡猛獸不能禍

度金液五行不相尅符

天帝上帝老君道君元始天尊天罡四聖

水府三官五嶽四瀆十二河源衛吾左右
使吾成仙左右日月與我除寃百魔降伏

五帝常安受煉臣身萬惡不災苞之丑干

度金液五行不相尅符

五方五帝五炁五行金木水火无守土皇

飛鎮九天密羅大千元洞玉曆太上玄元

辟除惡毒禍患不經赤書神字體就形全

大道不克身得神仙太上玄玄福壽无邊

太上曰此神章妙天之自然龍漢以來不傳

下世若神仙大仙上聖真人妙行聖康能濟

世厄用之無所不獲無所不治

十方靈寶天尊

伏以滅尸斤累列曹宏錫於匡扶受惡書符

八事具嚴於禳辟惟身心之邪氛既滅則仙

真之正法堪傳向來奉為弟子其遵依寶訣

肅立瑤壇滅惡道之嶮熾度苦門之崇峻形

神受煉陰陽攸平斥疾病以處山林樓魔試

而居僻絕統攝神吏裁制真靈功德周圓科

儀具足伏願天和赫奕人偶斷除躋仙秩之

崇尊日膺九賚佩真經之焯焯時錫五成下

伏御於魔靈上斤穰於毒害道尊德貴起居
清靜之鄉行圓功成游宴靈虛之界凡居品

類悉賴生成為如上緣念

普天證果天尊

念善

靈寶領教濟度金書卷之二百二十五